

Tshishe utshimaut Utauat ut mak Upishtukuiat euk nte ilnit Mamuitun mak Nutashkuan tshika mashinaitutishut uatit enishtutatit tan tshe ishi milu ueeshitishit

Upishtukuiat assi (Upishtukuiat utenu), 16 Epishiminishkueu 2004 – Neuit ilnu assit ut nitshent Mamuitun ka tat mak Nutashkuan, (Pessamit ut) Raphaël Picard ilnutshimau, (Essipit ut) Denis Ross ilnutshimau, (Nutashkuan ut) Richard Malec ilnutshimau mak (Mashteuiatsh ut) Gilbert Dominique ilnutshimau, Benoît Pelletier, eushtukuanul ka tat nete tshishe utshimat ilnut nte uet tshitapamakanit mak tshishe utshimassat ka kusseshit tetshe, Andy Mitchell, Utauat ut ushtukuanul ka tat nite tshitshue uet takuimuakanit ilnut, eukuan ntshent mamu mashinaitutishupant nete Upishtukuiat (Utenat) mak nitshent nikan ka aipit tshishe utshimau enatapishtuakalit utshinikashunuau ashtapant.

Patush ka tshi 20 pupun ishpish natapishtatunanut, eukuan emashinaitutishunanut mashinaikan tshe milu ueeshitishunanut eka tshekualu eitshenikal ilnu ka kashukuat miam nelu ka ishi tipeltak ka ishi tshitapatak assilu eshk eka tal ute tetshe ka uapishil.

Miam eissishuet ilnu utshimaut, «Ane eishinishtutatunanut eukuan tshe ut tshi mashinaitutishunanut neme mashtel mashinaikan tshe uitakant nte nass etshishtapal emilu ueeshitishunanut «traité» ka ishinikatak ka kussesh, eukulu nelu tshe uitshikuat nitshent ka petashanitet kie tshe uitshiuet tshetshi milu uitsheututnanut ka uapishit mak ilnut. (A)ne eishi nishtutatunanut shashiesh ut pukusheltakanu tante apu tshekualu utamikuat (a)n(u)tshish ilnu mashinatelu tiush etshi nitau tshitapatak utassi uil nelu etipeltak kie uitakalu it eishinakulit utiliniun kie uitakanu etshi tshimalakant ilnu tshishe utshimau. Ane eishi milu nishtutatunanut tshika milunakulu ka uassiut utilinuuau».

Utshimau Benoît Pelletier issishueu, «Kashikat mamu tshitananu tante tapishkut tshiteltenanu ka tshi natapishtatiuk kie ntapuetatishun etutu tshe milupal ute Upishtukuiat assi. Ane eishi nishtutatiuk tshi mishta amitshuaunanu. Uemut ntelten tshetshi peshuapatamuk neme mashtel tshe mashinutishiuk mishta mashinaikan nutim ilnut tshe kashtukuat kie ka kusseshet ussima nte tetshe Mamit, Shekutamit mak Pekuakamit».

«Nameluelten (namanuentsen) enukuat ntashinikashun ute mashinaikan. Eukunu enukat Utauau tshishe utshimau ua uelash milu ueeshitishit. Kie nukuan eshpish mishta ishpiteltit nitshent ka mashinutishit nelu enatapishtatunanut ua milu tshishi ueeshitishunanul. Utauau tshishe utshimau tshika uitamueu kie uil utilnim tante etanut tante epapalnanulit eshpish natapishtatunanut, kie tshika uitamueu utilnim kie uil nelu ka kashtukual ane eishi milu ueeshitishunanut eshku eka neme mashten mashinaitutishunanut». Eukunu nenu utaimun ane mishta utshimau Andy Mitchell.

Ka tshi mashinutishit, ilnutshimaut kie nitshent tshishe utshimaut uitamupan epukushentit tshetshi tshishi milu ueeshitishunanut.

Pessamiulut, Essipiulut mak Mashteuiatsh ut ilnut Mamuitun teuat kie eukunu nelu milepant tshetshi pimutal utaimunuau tshishe utshimau enatapishtuakalit. Nutashkuan ekue natapipant kie uiluau 2000 ka itashten pupunu takuatshi pishum Mamuitun kie uinuau pimutanu utaimunuau.

Ume mishta tipatshimun nite mashinateu :

www.mamuitun.com

www.versuntraite.com

www.ainc-inac.gc.ca

Kutak tshekuan aui nitussentamek, ute mituetatshek utshent tshika ntuelpauaut :

Raoul Kanapé
Responsable des communications
Conseil Tribal Mamuitun mak Nutashkuan
(418) 275-7796 ou (418) 637-5656

Damir Croteau
Attaché de presse
Cabinet du ministre Benoît Pelletier
(418) 646-5950

Hélène Philippe
Gestionnaire régionale des Communications
Affaires indiennes et du Nord Canada (418) 648-7675

Ka aitunanut, ka aishpan nuash ume (a)n(u)tshish emashinaitutishunanut uatakan tshe milu ueeshitishunanut

- 1975 - Ka tshimatakant Conseil Atikamekw et des Montagnais CAM ka ishinikatakant, mamu ka tat peikushteu (9) ilnu assi mak neshtipan (3) nete tetshe tikamekueut ute Upishtukuiaiu assit.
- 1979 - Eukuan ka natashtuat tshishe utshimau ilnu utaimunu uatamal eieshkupal tshetshi natapishtual tshishe utshimau.
- 1980 - Eukuan ka tshitshipalnanut enatapishtuakantau enishit tshishe utshimaut mak Conseil Atikamekw – Montagnais.
- 1988 - Ka mashinaitutishunanut utumatuananut tan tshe ishi pimutanut enatapishtatunanut.
- 1994 - Upishtukuiaiu tshishe utshimau ka natashtuat ilnu tan tshipa ishpish mileu mamu.

- 1994 - Ka tshipaikan Conseil Atikamekw-Montagnais. Neshtuit ut ilnut natapishtuepan tshishe utshimau utshent Conseil Tribal Mamit Innuat, Conseil Tribal Mamuitun mak Conseil de la Nation Atikamekw.
- 1997 - Conseil Tribal Mamuitun pimutauapan Pessamiulu utaimunu Essipiulu, Pekuakamilu mak Uashaulu, eukuan nana ka natashtat mashinaikalu tshishe utshimat uatat tan tshipa ui ishi milu ueueshtau muk eshku eka nelu natashtat masinaikalu ntuapamepan utilnimuau.
- 1998 - Eukuan nana ka itshetet Uashaunut.
- 1999 - Neme mamu «tapishkut ua utitikant» natashtakanipan eukuat nite uatakan it ua ishi pimutanut tshetshi ui milu nishtutatunanut.
- 2000 - Shetan pishum, nishuit tshishe utshimat kupaniess mak ilnutshimaut Mamuitun ut tapuetamuet it ua ishi pimutanul.
- 2000 - Takuatshi pishum, Nutashkuaniulut pitishuepaniut nite Conseil Tribal Mamuitun.
- 2002 - Shiship pishum, Rémy«Kak'wa» Kurtness Conseil Tribal Mamuitun utshimau kupaniem, Louis Bernard Upishtukuiou tshishe utshimau ukupaniem, uiltishupan mashinaikalu uatat tan tshipa ishi milu ueeshitishunanun.
- 2002 - Uapukun pishum, eukuan emashinutiss utshimau kupaniesh nelu mashinaikalu André Maltais Utatau tshishe utshimat ut.
- 2003 - Uinishk(u) pishum, nete Upishtukuiat utenat ka mishta utshimau aiminanut eukuat uatakan etapuetakan tshetshi shaputuelpalnanut enatapishtatunanut mak tshetshi tatau nitshent ka kashtukuat (9) ane ua ishi milu ueeshitishunanut.
- 2004 - Epishiminishkueu, enishit tshishe utshimaut mak ilnut mashinaitutishut uatamatat ua tshishi milu ueeshitishit.